

Euangelium S. Iohannis.

I.



In anfang war das ^{Gott. 1.} Wort / vnd das wort war bey Gott / vnd Gott war das Wort. Das selbige war im anfang bey Gott. Alle ding sind durch dasselbige gemacht / vnd on dasselbige ist nichts gemacht / was gemacht ist. In im war das Leben / vnd das Leben war das Licht der Menschen / vnd das Licht scheint in der Finsternis / vnd die Finsternis habens nicht be-
griffen.

^a **E**s ward ein Mensch von Gott gesand / der hies Johannes. Derselbige kam ^{Matt. 3.} zum zengnis / das er von dem Licht zeugete / auff das sie alle durch in ^{Mar. 1.} glaubten. Er war nicht das Licht / sondern das er zeugete von dem Licht. ^{Luc. 3.} Das war das warhafftige Licht / welchs alle Menschen erleuchtet / die in diese Welt komen. Es war in der Welt / vnd die Welt ist durch dasselbige gemacht / vnd die Welt kandte es nicht.

^b **E**r kam in sein eigenthum / vnd die seinen namen in nicht auff. Wie viel in aber auffnahmen / denen gab er macht / Gottes Kinder zu werden / die an seinen Namen glauben / Welche nicht von dem Geblüt / noch von dem willen des Fleisches / noch von dem willen eines Mannes / sondern von Gott geboren sind. vnd das Wort ward Fleisch / vnd wonet vnter vns / vnd wir sahen seine ^{Matt. 1.} Herrlichkeit / eine herrlichkeit / als des eingeboren Sons vom Vater / voller Gna- ^{Luc. 2.} de vnd Wahrheit.

Johannes zeuget von im / ruffet vnd spricht / Dieser war es / von dem ich gesagt habe / Nach mir wird komen / der vor mir gewesen ist / denn ^a er war ehe denn ich. vnd von seiner Fülle haben wir alle genomen / ^b Gna-
de vmb gnade / Denn das Gesetz ist durch Mosen gegeben / Die Gnade vnd
Wahrheit

(Alle Menschen)
Das ist / Christus
ist das Licht der
welt / derselbige
erleuchtet durchs
Euangelium alle
Menschen. Denn
es wird allen Crea-
turen gepredigt
vnd allen surge-
tragen / die Men-
schen sind vnd
werden.

(Gnade vmb
gnade)

Vnsere gnade ist
vns gegeben vmb
Christus gnade /
die in gegeben ist
Das wir durch in
das Gesetz erfül-
len / vnd den Va-
ter erkennen / da
mit heuchelei auff
höre / vnd wir wa-
re rechtschaffene
Menschen werden

Matt. 3.
Mar. 1.
Luc. 3.

Jes. 49.

Matt. 3.
Mar. 1.
Luc. 3.